



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUOTLALELETSO YA NTLHA (FAL)**

**PAMPIRI YA BORARO (P3)**

**TLHAKOLE/MOPITLWE 2012**

**MEMORANTAMO**

**MADUO: 100**

**Memorantamo o, o na le ditsebe di le 12.**

**KAROLO YA A: RUBORIKI YA TSHEKATSHEKO YA GO TSHWAYA TLHAMO (50)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80–100%</b>	<b>70–79%</b>	<b>60–69%</b>	<b>50–59%</b>	<b>40–49%</b>	<b>30–39%</b>	<b>0–29%</b>
	<b><u>26–32</u></b>	<b><u>22½–25½</u></b>	<b><u>19½–22</u></b>	<b><u>16–19</u></b>	<b><u>13–15½</u></b>	<b><u>10–12½</u></b>	<b><u>0–9½</u></b>
<b>DITENG LE IPAANKANYO (MADUO 32)</b>	-Diteng di matsetseleko le boithamedi jo bo kwa godimo. -Dikgopolo tse di tsibosang e bile di bontsha kgolo. -Ipaakanyo ya ntlha e tlhagisitse tlhamo e e se nang diphoso e bile e kgatlhisa.	-Diteng di supa boithamedi. -Dikgopolo di na le boikakanyetso e bile di kgatlhisa. -Ipaakanyo ya ntlha e tlhagisitse tlhamo e e bontshang kitso le go kgatlhisa.	-Diteng di maleba e bile di na le kgolagano e e rileng/isehang. -Dikgopolo di a kgatlhisa le go usa pelo. -Ipaakanyo ya ntlha e tlhagisitse tlhamo e ntle e e kgatlhisang.	-Diteng di maleba e bile di lomagane sentle di a kgatlhisa e bile di itlhametswe sentle. -Ipaakanyo ya ntlha e tlhagisitse tlhamo e e kgotsofatsang e bile e kgatlhisa.	-Diteng di magareng, tlwaelegile. -Go na le diphatlha tsa kamano. -Dikgopolo di maleba. -Boithamedi jo bo rileng. -Ipaakanyo ya ntlha e tlhamo e e lekaneng, kgatlhisang le go lomagana.	-Diteng go le gantsi ga di tlhaloganyege, di tila ka kamano/kgolagano. -Dikgopolo tse di mmalwa e bile di boeleditswe. -Go sa lekaneng ga maemo a puotlaleletso ya ntlha ntle le ipaakanyo ya ntlha. -Tlhamo ga e a tlhagisiwa sentle.	-Diteng ga di maleba gotlhelele. -Ga go kamano. -Dikgopolo di gasagane le go boelediwa. -Ipaakanyo ya ntlha e e sa lekaneng. -Tlhamo e e bokoa.

<p><b>PUO, SETAELE LE TSEREGANYO</b> <b>(MADUO 12)</b></p>	<p><b><u>10–12</u></b></p> <p>-Puo le matshwao a puiso di dirisitswe ka tolamo. -Tiriso e e kgodisang ya dikapuo.</p>	<p><b><u>8½–9½</u></b></p> <p>-Puo le matshwao a puiso di lolame. -Tlhopho ya mafoko e siametse temana. -Setaele, segalo le rejisetara di maleba le setlhogo. -Bogolo ga go diphoso ka ntlha ya go buisa gape le go siamisa.</p>	<p><b><u>7½–8</u></b></p> <p>-Go na le bosupi jwa tirisopuo e e tlhobaetsang. -Puo le matshwao a puiso di nepagetse. -Tlhopho ya mafoko e siametse temana. -Setaele, segalo le rejisetara di siametse setlhogo. -Go le gantsi ga go na diphoso go ya ka go buisa gape le go siamisa.</p>	<p><b><u>6–7</u></b></p> <p>-Kitso e e rileng ya kgatelelo ya puo. -Puo e e botlhofo, matshwao a puiso a a lekaneng. -Tlhopho ya mafoko e e lekaneng. -Setaele, segalo rejisetara di tsamaelana le ditlhokego tsa setlhogo. -Go sa ntse go na le diphoso tse di mmalwa.</p>	<p><b><u>5–5½</u></b></p> <p>-Puo e e mo magareng, matshwao a puiso, (ga a dirisiwa ka nepo/fa gongwe a fosagetse. -Tlhopho ya mafoko e e sa reng sepe. -Setaele, segalo, rejisetara di tlhoka kgolagano. -Go na le diphoso.</p>	<p><b><u>4–4½</u></b></p> <p>-Go na le diphoso tsa puo le matshwao a puiso. -Tlhopho ya mafoko ga e a lekana. -Setaele, segalo, rejisetara ga di a lekana. -Go diphoso.</p>	<p><b><u>0–3½</u></b></p> <p>-Puo le matshwao a puiso di fosagetse gotlhelele. -Tlhopho ya mafoko ga e a lekana. -Setaele, segalo le rejisetara di fosagetse gotlhelele.</p>
<p><b>KAGEGO</b> <b>(MADUO 6)</b></p>	<p><b><u>5–6</u></b></p> <p>-Go ikamanya gotlhelele le setlhogo. -Diteng di maleba tota. -Dipolelo, ditemana di tlhamilwe ka tsela e e kgodisang. -Boleele bo maleba le ditlhokego tsa tlhamo.</p>	<p><b><u>4½</u></b></p> <p>-Go ikamanya thata le setlhogo. -Dipolelo, ditemana di tlhamilwe sentle. -Boleele ke jo bo lekaneng.</p>	<p><b><u>4</u></b></p> <p>-Go ikamanya le setlhogo go go rileng. -Dipolelo, ditemana di tshwaragane sentle. -Boleele jo bo lekaneng.</p>	<p><b><u>3–3½</u></b></p> <p>-Dintlha dingwe tse di tlhokegang di tlhagisitswe. -Dipolelo, ditemana di fosagetse mme tlhamo e na le tlhaloganyo. -Boleele ke jo bo lekaneng.</p>	<p><b><u>2½</u></b></p> <p>-Bontsi jwa dintlha bo tlhagisitswe. -Dipolelo, ditemana di ka ne di fosagetse mme tlhamo e na le tlhaloganyo. -Boleele ke jo bo lekaneng.</p>	<p><b><u>2</u></b></p> <p>-Go tswa mo setlhogong ka dinako dingwe mme o sa kgone go tlhaloganyo dikakanyo. -Dipolelo, ditemana -Boleele – tlhamo e telele/ khutshwane thata.</p>	<p><b><u>0–1½</u></b></p> <p>-Go tswa mo setlhogong gotlhelele. -Dipolelo, ditemana di tlhakatlhakane. -Ga go na tatelano. -Boleele – tlhamo e telele/ khutshwane thata.</p>

**KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (30)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80–100%</b>	<b>70–79%</b>	<b>60–69%</b>	<b>50–59%</b>	<b>40–49%</b>	<b>30–39%</b>	<b>0–29%</b>
	<b><u>16–20</u></b>	<b><u>14–15½</u></b>	<b><u>12–13½</u></b>	<b><u>10–11½</u></b>	<b><u>8–9½</u></b>	<b><u>6–7½</u></b>	<b><u>0–5½</u></b>
<b>DITENG, TOGAMAANO LE POPEGO (MADUO 20)</b>	Kitso e e manonthlotlho ya ditlhokego tsa setlhangwa. -Kwalo e e kwa godimo a sa fapoge setlhogo gotlhelele. -Ikamanyo e e matsetseleko le diteng mmogo le dikakanyo tse di tshegetsang setlhogo. -Bopaki jwa togamaano e e se nang diphoso e, e dirileng tlhagiso ya setlhangwa se se maleba. -Kagego e e nepagetseng gotlhelele.	-Kitso e kwa godimo ya ditlhokego tsa setlhangwa. -Kwalo e e kwa godimo a sa fapoge setlhogo. -Ikamanyo le diteng, dikakanyo tse di tshegetsang setlhogo. -Bopaki jwa togamaano jo bo ntshitseng setlhangwa se se maleba. -Melao ya kwalo ya setlhangwa e dirisitswe ka botlalo.	-Kitso e e mo magareng ya setlhangwa. -Kwalo e e maleba e fapogile go se nene. -Bogolo go na le ikamanyo le diteng le dintlha tse di tshegetsang setlhogo. -Bosupi jo bo tletseng jwa go rulaganya bo ntshitse setlhangwa se se mo magareng. -Tiriso e e tletseng ya melao ya sebopego se se tlhokegang.	-Kitso e e itekanetseng ya ditlhokego tsa setlhangwa. -Kwalo e e itumedisang ya diteng le dikakanyo di tshegetsang setlhogo. -Bosupi jo bo itumedisang jwa go rulaganya botlhami jo bo tlhagisang setlhangwa se se itumedisang.	-Kitso e e lekaneng ya ditlhokego tsa setlhangwa. -Kwalo e e itumedisang ya diteng le dikakanyo di tshegetsang setlhogo. -Bosupi jo bo lekaneng jwa go rulaganya bo tlhagisitse setlhangwa se se lekaneng. -Tiriso e e lekaneng ya melao ya sebopego se se tlhokegang.	-Kitso e e potlana ya ditlhokego tsa setlhangwa. -Kwalo e e potlana e e seng maleba ya diteng le dikakanyo di tshegetsang setlhogo. -Bosupi jo bo potlana jwa go rulaganya bo tlhagisitse setlhangwa se se potlana se se seng maleba go puo ya gae. -Setlhangwa se se sa tlhagisiwang sentle. -Tiriso e e potlana, e e fosagetseng ya melao ya sebopego se se tlhokegang.	-Go tlhoka kitso ya ditlhokego tsa setlhangwa. -Ga go na tomagano ya diteng le dikakanyo. -Dintlha tse di nnye tse di tshegetsang setlhogo. -Bosupi jo bo sa felelang jwa go rulaganya bo tlhagisitse setlhangwa se se sa rulaganang. -Ga go na tiriso ya sebopego se se tlhokegang.

	<u>8–10</u>	<u>7–7½</u>	<u>6–6½</u>	<u>5–5½</u>	<u>4–4½</u>	<u>3–3½</u>	<u>0–2½</u>
<b>PUO, SETAELE LE TSELEGANYO  (MADUO 10)</b>	<p>-Tirisopuo e e nepagetseng e le matlhagathaga.</p> <p>-Tlotlofoko e e kwa godimo e le maleba go tebo, baamogedi le bokao.</p> <p>-Setaele, segalo, rejisetara e e nepagetseng tota.</p> <p>-Tlhokego ya diphoso morago ga puiso le go tseleganya</p> <p>-Boleele jo bo maleba.</p>	<p>-E tlhamegile bontle ka nepagalo.</p> <p>-Tlotlofoko e e maleba go tebo, baamogedi le bokao.</p> <p>-Segalo se se maleba go lebeletswe setaele, segalo le rejisetara ya se potso e se batlang.</p> <p>-Bogolo go se na diphoso tse dintsi morago ga puiso le go tseleganya.</p> <p>-Boleele jo bo maleba.</p>	<p>-E tlhamegile le go buisega bonolo.</p> <p>-Tlotlofoko e e maleba go tebo, baamogedi le bokao.</p> <p>-Setaele, segalo, rejisetara e e maleba. Go se diphoso tse dikalo morago ga puiso le go tseleganya.</p> <p>-Boleele jo bo maleba.</p>	<p>-Popego e e lekaneng.</p> <p>-Diphoso ga di kgoreletse kelelo.</p> <p>-Tlotlofoko e e lekaneng tebo, baamogedi le bokao.</p> <p>-Setaele, segalo, rejisetara di itekanetse.</p> <p>-Diphoso tse di mmalwa morago ga puiso le tseleganya.</p> <p>-Boleele jo bo batlileng bo itekanela.</p>	<p>-O lekile popego, e na le diphoso tse dinnye.</p> <p>-Puo ga e ntsi e bile ga e a dirisetswa tebo, baamogedi mmogo le bokao jwa potso.</p> <p>-O felelwa ke setaele, segalo le rejisetara e e maleba.</p> <p>-Diphoso tse dintsinzana morago ga puiso le go tseleganya.</p> <p>-Boleele jo bo feteletseng kgotsa jo bokhutshwane thata.</p>	<p>-Kagego ga e maleba e bile go boima go bona kelelo.</p> <p>-Tlotlofoko e tlhoka go phekolwa e bile ga e tsamaelane le tebo, baamogedi le bokao.</p> <p>-Setaele, segalo le rejisetara ga di maleba gotlhelele.</p> <p>-Go diphoso le kwa ntle ga gore go nnile le puiso le go tseleganya.</p> <p>-Boleele jo bo feteletseng kgotsa jo bokhutshwane thata.</p>	<p>-Kagego ga e maleba e bile go boima go bona kelelo.</p> <p>-Tlotlofoko e tlhoka go phekolwa tota e bile ga e tsamaelane le tebo, baamogedi le bokao.</p> <p>-Setaele, segalo le rejisetara ga di tsamaelane le setlhogo.</p> <p>-Go diphoso le go sa tlhaloganye, tota le fa morago ga puiso le go tseleganya.</p> <p>-Boleele jo bo feteletseng kgotsa jo bokhutshwane go gaisa.</p>

**KAROLO YA C: RUBORIKI YA GO TSHWAYADITLHANGWA TSE DIKHUTSHWANE TSA TIRISANO/TSA TSHUPETSO/ TSHEDIMOSETSO/ PONO TSE DI DIRISANG MEKGWA E E FAROLOGANENG YA TLHAELETSANO (20)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e Tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80–100%</b>	<b>70–79%</b>	<b>60–69%</b>	<b>50–59%</b>	<b>40–49%</b>	<b>30–39%</b>	<b>0–29%</b>
	<b><u>10½–13</u></b>	<b><u>9½–10</u></b>	<b><u>8–9</u></b>	<b><u>6½–7½</u></b>	<b><u>5½–6</u></b>	<b><u>4–5</u></b>	<b><u>0–3½</u></b>
<b>DITENG, IPAANKANYO LE SEBOPEGO  (MADUO 13)</b>	-Kitso e e anameng, e e kgethegileng ya ditlhokego tsa setlhangwa. -Bontsha temogo e e tletseng ya bokao jo bo anameng fa a kwala. -Go kwala go go rupeletsweng. -Moithuti o tswellets go tlhomama, ga a rathe sekgwa. -Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.	-Kitso e e kgodisang ya ditlhokego tsa setlhangwa. -Bontsha temogo ya e e anameng ya bokao mo ditlhangweng tse dintsi fa a kwala ditiro. -Go kwala go go rupeletsweng moithuti o tswellets go tlhomama, ga a rathe sekgwa. -Go nyalelano ya diteng le dikakanyo, ditlhaloso di neetswe, mme diteng tsothe di tshhegets setlhogo. -Bosupi jwa ipaakanyo/kgotsa ipaakanyetso ya kwalo ya tlhamo bo tlhagisitse	-Kitso e e siameng ya ditlhokego tsa setlhangwa. -Bontsha temogo ka kakaretso ya bokao mo ditlhangweng tse dintsi fa a kwala ditiro. -Go kwala moithuti o tswellets go tlhomama a sa itemogele dikgoreletsi tse di masisi. -Go le gantsi nyalelano ya diteng le dikakanyo ditlhaloso di neetswe, mme diteng tse dintsi di tshhegets setlhogo. -Bopaki jwa ipaakanyo le/kgotsa	-Kitso e e lekaneng ya ditlhokego tsa setlhangwa. -Bontsha temogo nngwe ya bokao mo ditlhangweng tse dintsi fa a kwala ditiro. -Go kwala moithuti o ratha sekgwa, fela se, ga se kgoreletse maitlhamo a tiro ka kakaretso. -Nyalelano e e itumedisang ya diteng le dikakanyo, diteng dingwe di tshhegets setlhogo. -Bosupi jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e	-Kitso e e magareng ya ditlhokego tsa setlhangwa. -Bontsha tlhaelo e e rileng a kitso ya bokao mo ditlhangweng fa a kwala ditiro. -Go kwala moithuti o ratha sekgwa, bokao ga bo tlhabosege fa gongwe. -Nyalelano e e magareng ya diteng le dikakanyo. -Diteng dingwe di tshhegets setlhogo. -Bosupi jwa ipaakanyo/kgotsa ipaakanyetso ya tlhamo e e lebegang bo tlhagisitse tlhamo ka tekano le nyalelano.	-Kitso e e tlhaelang ya ditlhokego tsa setlhangwa. -Bontsha tlhaelo ya kitso ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng le dikakanyo, go le gantsi e a tlhaela. -Diteng tse di mmalwa di tshhegets setlhogo. -Tiro ga e mo maemong a selekano sa Puo ya Gae, le fa tota a ipaakantse.	-Ga go kitso ya ditlhokego tsa setlhangwa. -Bontsha go tlhoka kitso gotlhelele ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng tse di mmalwa tse di tshhegets setlhogo. -Ipaakanyo/kwalo e e sa itumediseng ya tlhamo. -Tlhagiso e e bokoa ya tlhamo. -Ga go na tirisoya melao ya sebopego se se tlhokegang.

		tlhamo e e duleng diatla.	ipaakanyetso ya kwalo ya tlhamo bo tlhagisitse tlhamo e e kgatlhisang.	kgotsofatsang.			
<b>PUO, SETAELE LE BOSUPI JWA PALO  (MADUO 7)</b>	<b><u>6-7</u></b>  -Tlhagiso ya maemo a a kwa godimo ya melao e e maleba ya popego ya setlhangwa. -Thutapuo ya mo setlhangweng e nepagetse e bile e agegile ka bontle jo bo gaisang. -Tlotlofoko e e humileng e le maleba mo maitlhomong, baamogeding le mo bokaong. -Setaele, segalo le tirisopuo di maleba go gaisa. -Setlhangwa se lebege se se na diphoso morago ga go buisiwa gape le go tlhotlha diphoso. -Boleele bo nepagetse.	<b><u>5-5½</u></b>  -Melao e e tlhokegang ya popego ya setlhangwa e dirisitswe sentle. -Setlhangwa se agilwe bontle se nepagetse. -Tlotlofoko e e maleba tota mo maitlhomong, baamogeding le mo bokaong. -Setaele, segalo le tirisopuo di maleba fa go lebeletswe ditlhokego tsa tiro. -Setlhangwa ka kaketso ga se na diphoso morago ga go buisiwa gape le go tlhotlha diphoso. -Boleele bo nepagetse.	<b><u>4½</u></b>  -Melao e e tlhokegang ya popego ya setlhangwa e dirisitswe sentle. -Setlhangwa se agilwe sentle, se buisega bonolo. -Tlotlofoko e e maleba mo maitlhomong, baamogeding le mo bokaong. -Setaele, segalo le tirisopuo go le gantsi di maleba. -Setlhangwa go le gantsi ga se na diphoso morago ga go buisiwa gape le go tlhotlha diphoso. -Boleele bo nepagetse.	<b><u>3½-4</u></b>  -Kakanyo e e itumedisang ya ditlhokego tsa popego ya setlhangwa e dirisitswe. -Setlhangwa se agilwe ka go itumedisa. -Diphoso tse di leng gone ga di kgoreletse kelelo ya dikakanyo. -Tlotlofoko ka tekano mo maitlhomong, baamogeding le mo bokaong. -Setaele, segalo le tirisopuo di siame, di maleba. -Setlhangwa se sa ntse se na le diphoso morago ga go buisiwa gape le go tlhotlha diphoso. -Boleele bo nepagetse.	<b><u>3</u></b>  -Go kakanyo e e lekaneng ya ditlhokego tsa popego ya setlhangwa. -Setlhangwa se agilwe ka ditlhokego fela tse di tlhokegang. -Diphoso di mmalwa. -Tlotlofoko e a tlaela e bile ga e maleba mo maitlhomong, baamogeding le mo bokaong. -Tlhaelo ya setaele, segalo le tirisopuo fale le fale. -Setlhangwa se na le diphoso tse di mmalwa morago ga go buisiwa gape le go tlhotlha diphoso. -Boleele jo bo fetang tekano/ setlhangwa se sekhutshwane thata.	<b><u>2½</u></b>  -Go tlhaelo ka kaketso mo tirisong ya melao e e tlhokegang ya popego ya setlhangwa. -Setlhangwa se agilwe bokoa e bile se thata go se tlhaloganyana. -Tlotlofoko e tlhokwa go boeletswe, mme ga e maleba mo maitlhomong, baamogeding le mo bokaong. -Setlhangwa se na le diphoso tse di thibang letsatsi, le mororo se buisitswe gape le go tlhotlha diphoso. -Boleele jo bo feteletseng/ setlhangwa se se khutshwane.	<b><u>0-2</u></b>  -Ga go a dirisiwa melao ya popego ya setlhangwa. -Setlhangwa se agilwe bokoa e bile go thata go se tlhaloganyana. -Tlotlofoko e tlhoka go boeletswe ka tsenelelo, mme ga e maleba mo maitlhomong, baamogeding. -Setlhangwa se diphoso gotlhe tse di thibang letsatsi, e bile go tlhakatlhakane gotlhe. -Boleele jo bo fetang tekano/ setlhangwa se se khutshwane thatathata.

## **KAROLO YA A: TLHAMO**

### **MEFUTA YA DITLHAMO**

#### **Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Sekao sa setlhogo

Goreng ke rata go tsalana le batho ba ba mphetang ka dingwaga.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

#### **Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo

Karabo o ne a fetola botshelo jwa me.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe go elwe tlhoko gore mofuta o wa tlhamo o a tlhalosa.



## Tlhamo ya thanolo

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano.

Sekao sa setlhogo

Botlhokwa jwa mananeo a go boeletsa dithuto a a rulagantsweng ke ba lefapha la thuto. (School Support Intervention Programme)

Dintlha tse di latelang di tshwanetse go elwa tlhoko fa go tshwaiwa tlhamo ya thanolo:

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tebileng.
- Dikakanyo di rulagane, di lolame mme di naya tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka paka jaanong.

## Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo mme a nganga ka maitlhommo a go dibela kemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo

A o dumela gore bakgweetsi ba ba tsweleng ka go tlola molao wa tsela ba tseelwe makwalo a go kgweetsa?

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang mme e pateletse mmuisi go dumalana le tse di tlhagisitsweng. Tlhamo ya mofuta o, e kwalwe ka paka jaanong.

## Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditiro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo

Fa nka newa tšhono ya go nna mongwe wa batshameki ba setlhopha sa Bafana Bafana/Banyana Banyana.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**PALOGOTLHE YA KAROLO YA A: 50**

## KAROLO YA B: DITLHANGWA TSE DILEELE TSA TIRISANO

### 2.1 LEKWALO LA SEMMUSO

Lekwalo la semmuso ke le le kwalelwang setheo sengwe se se rileng, mokwadi o kopa sengwe e ka nna phatlhatiro kana thuso ya mokgwa mongwe mo setheong seo.

Dintlha tse di tshwanetseng go elwa tlhoko:

- Lekwalo le, le le khutshwane, mme diteng tsa lona di tlhagise mathata a a tlholwang ke ditsela tse di senyegileng.
- Go se ka ga nna le diphoso mo lekwalong le.
- Motlhatlhojwa a neelane ka tshedimosetso ya gore go ka dirwa eng go fedisa bothata jo.
- Motlhatlhojwa a kwale diaterese di le pedi, diaterese di se nne le lebokoso la poso le nomoro ya ntlo ka nako e le nngwe.
- Motlhatlhojwa a neelane ka dinomoro tsa mogala kwa a ka fitlhelwang gone.

## 2.2 TSA BOTSHELO JWA MOSWI

Motlhatlhojwa o tshwanetse go thadisetsa baamogedi ka ga tsa botshelo jwa motho yo o tlhokafetseng.

Tshedimosetso e nne le dintlha tse di latelang:

- Leina la moswi
- Letlha la matsalo
- Batsadi ba moswi
- Dithuto
- Tiro
- Seabe mo setšhabeng
- Kemo ya nyalo
- Se se tlhodileng loso.

## 2.3 PEGELO YA KOTSI

Pegelo e ke sekwalwa sa botlhokwa thata mo setheong. Se tladiwa ka gale ke leloko le le nang le maikarabelo ao mo tirong morago ga kotsi e sa tswa go diragala.

Dintlha tse di tshwanetseng go elwa tlhoko:

- Tshedimosetso e, e tsenngwe mo pegelong ya kotsi.
- Setlhogo sa pegelo se bolele sentle gore kgang ke ka ga eng.
- E kwalwe ka pakaphethi.
- Tirwa e ka dirisiwa go supa bonnete.
- Dintlha tsa botlhokwa di totobadiwe.
- Ditlhogwana di kwalwe ka ditlhakagolo.
- Mokwadi wa pegelo a kwale mosaeno le letlha leo a e kwalang ka lona.

## 2.4 ATHIKELE YA LEKWALODIKGANG

Athikele ya lekwalodikgang ke karolwana ya lekwalodikgang kgotsa makasine e motlhatlhojwa a tla kwalang dikgang dingwe kgotsa a bega sengwe gore se buisiwe ke botlhe.

Dintlha tse di tshwanetseng go elwa tlhoko:

- Motlhatlhojwa a nne le kgololosego ya bobega-dikgang.
- Ka ntlha ya phatlha e a e reboletsweng ka nako nngwe o patelesega go ngotla kgang mme fela a sa nyeletse bonnete jwa kgang.
- Temana ya ntlha e tshware bontsi jwa dikgang gonne mo go yona o araba dipotso kae? Mang? Leng? Le ka ntlha ya eng?
- Kgang e neelwe setlhogo se se itlhalosang e bile se gogele.

**KAROLO YA C: DITLHANGWA TSE DIKHUTSHWANE TSA TIRISANO****3.1 PHASALATSO**

E dirisediwa go phasalatsa tiragalo nngwe kgotsa go rekisa sengwe.  
E bewa gantsi mo marekelong kgotsa mo mebileng go lemosa baagi ka ga se se phasaladiwang.

Dintlha tsa tlhokomelo:

- A setlhogo se tlhagisiwe ka botlalo.
- Mokwalo o ngoke babuisi.
- Ditshwantsho di dirisiwe mme di bonale.
- Dintlha tsa tshedimose tso di tlhagisiwe.
- Letlha, nako le lefelo la tiragalo di tlhagisiwe ka botlalo.

**3.2 DITAELO**

Ke tshedimose tso ya botlhokwa e e tlhagisiwang pele go diragadiwa kana go diriwa tiro nngwe e e rileng. Ditaelo di tlhagisa tshedimose tso mabapi le se se diriwang gore se diriwe leng, kae, jang.

Dintlha tsa tlhokomelo:

Tsela e ka bontshiwa ka go bontsha ka:

- Motlhatlhojwa a neele dintlha tsa tshedimose tso tse di tlhokegang.
- Tlhagisa ka botlalo se se tshwanetseng go dirwa.
- Dipolelo tsa gago e nne tse dikhutshwane tse di tshwarelelwang le go gakologelwa bonolo.
- Motlhatlhojwa a dirise puo e e bonolo e e tlhaloganyegang.
- Ditaelo di tlhagisiwe ka dintlha e seng temana.
- Ditaelo di se ke tsa nna dintsi thata tsa tloga tsa feta le tiro e e diriwang.

**3.3 BUKATSATSI**

Bukatsatsi ke mo mokwadi a kwalang ka maikutlo, dikakanyo le maitemogelo a gagwe.

Dintlha tsa tlhokomelo:

- Motlhatlhojwa a ka neela lokwalo lwa gagwe leina le a le ratang.
- Letsatsi le letlha le kwalang dikgang ka lona.
- Motlhatlhojwa a dirise mafoko a motho wa ntlha.
- Dikgang di nne mo paka-jaanong ntle le tse di setseng di diragetse.
- Motlhatlhojwa a ka dirisa dipolelonolo le ditemana tse dikhutshwane.
- Puo e nne e e tletseng maikutlo.

**PALOGOTLHE YA KAROLO YA C: 20**  
**PALOGOTLHE: 100**